

A pustis de is campagnas sfortunadas de Carlu V de Spagna contras a is Stadius Barbarescus de su Nord-Àfrica chi faiant sa guerra de cursa e sa pirateria in su Mediterràneu, in su 1587, Filipu II iat creau sa Reali Amministratzioni de is Turris in totus is possedimentus spagnolus, est a nai un'organizatzioni de unu sistema de turris de guàrdia e de difesa in totu is costas de su regnu, fintzas in Sardigna. In su territòriu de Tortoli is turris de guàrdia furint 3, sa de Monti Turri (Largavista), sciusciada in sa metadi de s'Otugentus po fai su faru de Bellavista, sa de Santu Micheli (La Fortalesa), a s'imbugada de Portu, e sa de Santu Millanu (Zaccurru).



Ufitziu Limba Sarda de Tortoli
Progetu Tortoli genna de
s'Ogliastra
L. 482/99 e L.R. 22/2018

Atividadi culturali “Agitòriu is Morus”

Bisitas guidadas in is logus
de is morus

Comunu de Tortoli



Gestioni e coordinamentu
Suia Srl



AL SERVIZIO DELLA CULTURA

operadora culturale
Barbara Serrau
sportellistas
Alessandro Podda
Ivan Marongiu



REGIONE AUTÒNOMA
DE SARDIGNA
REGIONE AUTONOMA
DELLA SARDEGNA

Comunu de Tortoli



Turris de Santu Micheli e de Santu Millanu

Ufitziu Limba Sarda de Tortoli

Turri de Santu Micheli


Connota fintzas cun su nòmini spagnolu de San Miguel de Arbatas, fut stètia frabbicada in sa metadi de su sèculu XVI, fortzis in pitzu de una turri "speculatoria" pisana, duncas prima de s'istitutzioni de sa "Reali Amministratzione de is Turris" bòfia de su rei spagnolu Filippu II. Posta a s'intrada de Portu, in sa Cala de is Genuvesus, est una turri de difesa antimoresca (fortalesa) a forma truncucònica, fata cun sa perda de su logu (granitu e perda orrùbia) a tres pianus: sa cisterna, su pianu de pitzu e sa pratza de armas, est a nai su terratzu innui furint collocaus is cannonis. In su 1600 fut difèndia de unu capitano (alcaide), un'artiglieri, tres sordaus armaus cun 4 cannonis, duas spingardas e 6 fosilis. Dda nomenànt puru "turri de is prepostus", est a nai de is doganieris, chi depiat controllai s'intrada e s'essia de is navis de portu. In su tempus at tentu medas cambiamentus e impreus, fintzas comenti sedi de sa Guàrdia de sa Finantza. In is ùrtimus annus dd'ant aconciada e ammodernada. Immoi est sedi de s'Ass. Marinai d'Italia e ogna tantu benit aberta a su pùblicu po bisitas guidadas e mostras.



Comenti arribai...

Turri de Santu Micheli

Partendu de Tortoli, si pigat sa bia de Mons. Virgiliu in direzioni de su Portu. Sighendu po 500 metrus de su passàgiu a livellu, in bia de Lungomare, s'arribat a sa turri de Santu Micheli. Sa turri aberit in ocasionis particularis ebbia, ma a su primu pianu s'agatat sa sedi de s'Associatzioni "Marinai d'Italia" cun una mostra de modellinus, fotografias de època e documentus stòricus de sa Marina Militari.



Turri de Santu Millanu

Movendu de sa Turri de Santu Micheli, si pigat sa bia de Portu Frailis po unu chilòmetru e mesu. Arribaus a Portu Frailis si pigat sa bia de San Gemiliano po 500 metrus. Lòmpius a suta de sa cresiedda, si pigat sa strada bianca a manu manca e a pustis de 100 metrus s'at a arribbari a sa turri de Santu Millanu



Turri de Santu Millanu

Fata in sa primu metadi de su sèculu XVII, beniat nomenada cun nòminis diversus: Punta de su "Zaccurru", "Iacuri", ma fintzas Punta de su "Sacurru" poi cambiau in "Punta de su Sucursu". Su nòmini Santu Millanu s'agatat de su 1767 in susu, e dipendit de sa crèsia de sartu de Santu Millanu, chi est a pagu tretu. Posta a 42 metrus a pitzu de su livellu de su mari, faiat craru a is spiàgias de Orrì e de Cea, e a is turris de Bari e de Monti Turri (Largavista), chi immoi no esistit prus poita a su postu sù, in sa metadi de s'800, ant frabbicau su faru de Bellavista. Fata a forma truncucònica, totu cun perda de su logu, est arta 12 metrus e larga 7. In s'apostu de intru (casamata) alloggiat sa trupa. Po artziai a su terratzu tocàt a nci pigai in una scala de linna. Fut una turri de guàrdia, ma podiat èssiri imperada puru po difesa, difatis, segundu una relatzioni de su 1767, fut difèndia de unu "alcaide" (capitanu) e de 2 sordaus, chi teniant a disponimentu 6 fosilis, duas spingardas e unu cannoni. A pustis de su 1842, cun sa s'acabbu de sa Reali Amministratzioni de is Turris, fut stètia abandonada. Immoi si podit bisitari sentza pagai. A de noti, sa lugi de is faretus permitint de dd'ammirai de tesu.